

13.
256
12
Neue kurtzweilige Deutsche Lied-

lein mit dreyen Stimmen/nach art der Welschen
Villanellen componirt/

Durch

Franz Joachim Brechtl.



Mit Röm: Key: Maie: Freyheit nit nach zutrucken.

Gedruckt zu Nürnberg/ durch Katha-
rinam Gerlachin.

M. D. LXXXIX.

JOHN PURCELL'S

THE HISTORY OF THE

ROYAL SOCIETY

OF

THE HISTORY OF THE

ROYAL SOCIETY

OF

THE HISTORY OF THE

ROYAL SOCIETY

W. D. LXXIX



I.

Tertia vox.



Ich ghör vnd gsicht/ mein seuffzen vnd mein flehen/ ij



Dann mein beger/ gar leichtlich mag geschehen/ mit



deinem nutz/versuchs du wirst es sehen/ versuchs du wirst es sehen/ du wirst es sehen.

2 Ich als ein freund/beger dein lob zu mehren/
Vnd anders nichts/dann was kan sein mit ehren/
Das widerspil/wirst gewiß nit von mir hören.

3 Ist nun in dir ein erbarlicher sitten/
So thu (wie ich) dein herz on scheuh auß schütten/
Damit ich nit/vorthin vmb sonst dörfß bitten.

4 Zum überfluß/bitt ich im herzen drinnen/
Noch einst wie vor/kan ich dann auch nichts gewinnen/
So sag ich stracks/Adieu ich scheid von hinnen.



II.

Tertia vox.



Leich wie ein Schiff das auff dem Meer herrinnt/durch grossen wind/ durch grossen



wind/

offt anderst wirdt getriben/

Als dem Schiffman thut lieben/

muß er doch fleiß an



keren/ biß der Wind thut auffhören/ zu wehren.

2 Also gschicht mir auch in dem Weiberkauff/
Ob ich nachlauff/vnd all ding thu beginnen/
Noch wills den Krebsgang gewinnen/
Laß mich doch nicht abtreiben/
Sondern will embsig bleiben/im Weiben.

3 Ein Buler ich vergleich ein spiler auch/
Dann sie den brauch/in dem wenn sie verlieren/
Vnd schon das vnglück spüren/
Dannoch nicht davon weichen/
Wiß sichs glück thut erzeigen/ herneigen.

4 Weil ich dann auch groß widerwertigkeit/
Nun lange zeit/auszustanden hab vnd tragen/
Will ichs noch ferner wagen/
Thu solchs alls nur darumme/
Damit ich doch bekumme/die frumme.



III.

Tertia vox.



S bringt mir gwiß nit wenig plag/

Daß ich mit fug nit bleiben mag/



bey deren die doch alle tag/ vmb mich so nah gessen/ werd jr drum nicht vergessen.

2 Ob ich gleich jekund von jr scheid/
So gibt mir doch widrumb ein freud/
Daß ich/ wills Gott/ in kurzer zeit/
(Wie ich mir fürgenommen)
Zu jr werd wider kommen.

3 Es bußen vil der gsellen drum/
Jedoch so acht ich sie so frum/
Daß sie/ biß ich herwider kum/
Kein andern wirdt annemen/
Sie müßt sich waarlich schemen.

4 Hiemit behüt der liebe Gott/
Diß Meidlein vnd jr mündlein rot/
Welchs sie mir oft vnd vil darbot/
Gott wöll dem Meidlein geben/
Ein gsund vnd langes leben.



IIII.


Tertia vox.



Er bulschafft hab ich genug/vnd thu nun fragen/vnd thu nun fragen/ wie



ich mich der mit fug doch möcht entschlagen/ jekund spottet man mein/ ij wo



ichs will klagen.

2 Vorhin thet ich allzeit/ nach Bulschafft jagen/
Fragt nicht nach ander leut/ ließ mir nit sagen/
Jekund spottet zc.

3 Wenn man mir zeiget an/ künfftige plagen/
Kert ich mich wenig dran/vnd wolt es wagen/
Jekund spottet zc.

4 Nun hab ich angst vnd pein/vnd muß es tragen/
Vmb Bulschafft nur allein/ich möcht verzagen/
Zu dem spottet man mein zc.



Neundlich von art/ ein Freulein zart/ hab ich mir außerkoren/ Sie



ist die mir doch alles leid ij

vertreibt/ vnd mir mein herg erfreut.

2. Sekund bin ich/ ganz ruhiglich/
Weil sie mir hat geschworen/
In lieb so lang gegn mir zustehn/
Bis es nach meinem wunsch werd gehn.

3. Demnach vorthin/ will ich mein sinn/
Auff sie allein nur richten/
Ich will es meinen recht vnd gut/
Ich weiß daß sie dergleichen thut.

4. Vnd ob es halt/ sich also bald/
Wolt schicken gar mit nichten/
Will ich dannoch nit lassen ab/
So lang bis ich das Freulein hab



VI.

Tertia vox.

El augenblick ij ij ligt jr in mein gedanken/ Stetts
tag vnd nacht ij thu ich euch vor mir sehen/ Ir wißt selbst wol/ ij daß
diß auß lieb muß geschehen.

2 Mit mir thu ich gar offtermals selbst zanken/
Vmb daß ich mich/der lieb keins wegs kan massen/
Die doch schier macht/daß mich mein sinn verlassen.

3 So helfft mir nu/als einem schwachen kranken/
Vnd laßt eur lieb/gen mir auch etwas mercken/
Daß wirdt mir bald/mein herz vnd gmüt sehr stercken.

4 Wo das geschicht/wie ich dann thu verhoffen/
So sag ich gwiß/der pein die mich hat troffen/
Señ ich dißmals gar wunderbar entlossen.



Nur würd deine freud/ gefunden one leid/

So möcht auff diser



Er den/nichts süßers funden werden/ Das hab ich hören sagen/ gar oft inn meinen tagen.

2 Amor wen einmal trifft/dein scharpffer pfeil vergift/
Lest sich von dir nicht wenden/ob du gleich pflegst zu enden/
Ein jede freud von herken/mit hundert tausent schmerken.

3 Wiewol du Amor süß/bringst doch zu lezt verdriß/
Machst weinen auß dem lachen/pflegst süßes bitter zmachen/
Kanst freud in leid verkeren/die gscheiden bald bethören.

4 Dieweil denn Amor zart/ noch stetigs hat die art/
Daß sich jr freud verwendet/zu lezt in trauren endet/
Rath ich in allen güten/sich vor der lieb zu hüten.



Ch sing vnd spring/bin guter ding/ Gott geb das diß nur stettigs möge we-



ren/ Dann gwiß vnd waar/ ij solch ding thut beutel leeren.

2 Nach lust vnd freud/kommt traurigkeit/
Das sagt man jetzt/vnd hat es gsagt vor jaren/
Gott wöll vnd geb/ das ichs nit dörrf erfahren.

3 Dierweil ich denn/den schad erkenn/
Warumb ich nit/von solchem thu ablassen?
(Denckt mancher mensch) dem antwort ich dermassen:

4 Weil ich gwiß bin/das mir den sin/
In kurzer zeit/ein Freulein wirdt abtreiben/
Will ich dierweil/ bey meiner weiß noch bleiben.



Ich bin

hindurch kom bald hernach!

D armer gsell du



rauerst mich/ Du wirst nit buelen jar vnd tag/ so wol als ich glaub was ich sag.

2 Ich bin hindurch / kom bald hernach/
 Sie hett mich gleich so lieb als dich/
 Dasselbig ich nun theuer klag/
 Daß sie mich jekund nimmer mag.

3 Ich bin hindurch / kom bald hernach/
 Du traust jr gleich so wol als ich/
 Ir tren sie mir gewiß versprach/
 So wol als dir / hernach sieß brach.

4 Ich bin hindurch / kom bald hernach/
 Ich rath dir guts / meins brüderlich/
 Dich irer auff das chst entschlag/
 So bist du frey von aller plag.

X.

Tertia vox.



Ch nenn sie nicht/bey der mich junger knab/ ein alter Mann mit gelt gestochen



ab/ Desß ich mich doch gar nicht versehen hab.

2 Ich glaub gewiß/das solchs Jungfreuelein/
Dasselbig mal/doch ganz vnd gar vol Wein/
Wo nit/ doch sonst on sinn muß gewesen sein.

3 Wenn ich an jr/wiewol billicher gßalt/
Mich rechte/vnd tödtets mit gewalt/
So wer sie doch/mit nicht so wol bezahlt.

4 Denn wenn sie wirdt ein Weib/wirdt er ein kind/
Ob ich jr wol/niemals was args vergünnt/
So ist doch gwiß/vntreu sein blohnung findt.



Lieb du bitters tranck/ wie machst du mich so franck/ ij stet



rigs on alles end/ niemand ist der mirs wendt/ der mirs wendt/ niemand ist der mirs wendt.

2 Hett ich anfangs gewist/
Was umb dich liebe ist/
Ich hett so lang ich lebt/
Das wengst nit nach dir gstrebt.

3 Dann niemand mir als du/
So hart hat gsetzt zu/
Nuch hat mich all mein tag/
Berürt kein grösser plag.

4 Jedoch möcht ich von dir/
Gfundheit erwerben mir/
In kurz/so glaub mir gewiß/
Ich sag: du seyst sehr süß.



XII.

Tertia vox.



It grossem fleiß allzeit bereit/ bin ich/ bin ich zu dienen willig/ bin ich/ bin



ich zu dienen willig/ ein Weidlein inn ein roten fleid/ wie es dann recht vnd billich.

2 Kein müß noch arbeit dauert mich/
Die ich nur an sie wende/
Ich will jr dienen stetiglich/
Bis in mein letztes ende.

3 All ander lieb will ich jekund/
Von mir gengklich abweisen/
Vnd vorthin all vnd jede stund/
Allein jr diener heissen.

4 Desß wirdt mich diß schön Weidelein/
In kurt wider ergehen/
Das bin ich gewiß/ vnd will darein/
Doch gar kein zweiffel sehen.



XIII.

Tertia vox.

263






Ch hab gnugsam verstanden/ daß etwan leut verhanden/ daß etwan



leut verhanden/ Die eben dir gleichwol als mir/ gönnen kein lieb noch freud/entschlag dich solcher leut/ent-



schlag dich solcher leut.

2 Sie warnen dich vnd sagen/
Du solst dich mein entschlagen/
Ich hab all trit/ein traurigs gmüt/
Vnd steck vol angst vnd schmerz/
Hab auch kein freundlichs herz.

3 Hieran sie wol nicht liegen/
Doch laß dich nit betriegen/
Zehiger zeit/ists die waarheit/
Vnd gschicht darumb allein/
Daß ich on dich soll sein.

4 Möcht ich dein aber gniessen/
So solst waarhafftig wissen/
Das all mein leid/in fröligkeit/
Sich wenden wirdt als bald/
Darbey mich Gott erhalt.



Agt selbst jungfrau ij ob ich nicht sey zu straffen/ Vmb daß ich mich/



gegn euch hab eingelassen/ in lieb/ die doch so lang besteht/ gleich als ein wasserplasen.

2 Ich hab gekocht/in ein zerbrochenen hafen/
 All müß vnd dienst/hab ich vmb sonst angelegt/
 Mein wort die haben wenig krafft/ der keins hat euch beweger.

3 Wie manche nacht/hab ich nicht können schlaffen/
 Nur sters gedacht/was ich doch möcht anfangen/
 Damit ich euer lieb vnd gunst/warhafftig könnt erlangen.

4 Aber bey euch/hab ich nichts mögen finden/
 Dann süße wort/die that bleibt gar dahinden/
 Dasselb erfreut mich gleich so vil/ als wie das gmähl ein blindē.



An sieht nun wol ij

wie stet du bist/

wie stet


du bist/



recht gang vnd gar on arge list/

schön heilst du dich daß freu ich mich/

versteh mich recht meins hin-



dersich.

2 Dein treu vnd lieb hast du bißher/
 Gen mir allein vnd keinem mehr/
 Getragen gwiß warhafftiglich/
 Versteh mich recht meins hinder sich.

3 Als was du hast verheissen mir/
 Vnd was mir ist zugesagt von dir/
 Das hast gehalten vestiglich/
 Versteh mich zc.

4 Vmb solches will ich dich fortan/
 Immer/so lang ichs leben han/
 Rhümen vnd loben gwaltiglich/
 Versteh mich zc.



Ar eylend bhend/ kam her gerennt/kam her gerennt/ ein



Wagentnecht/ ij bekam im recht/ ein weiser Man/ ij den sprach er an/ sagt



ob ich noch in dstatt nein kan/ sagt ob ich noch/ ij in dstatt nein kan.

2 Der Mann der sprach/ ja far darnach/
Thu was ich heiß/fahr etwas leiß/
Vnd nicht so hart/sonst wirst versperzt/
Der liebe Gott sey dein gefert.

3 Der Knecht hierauff mit vollem lauff/
Fuhr fort sein weg/jest stracks dann schreg/
Dacht eyl ich sehr/so kom ich ehr/
Fuhr also gschwind je lengr je mehr.

4 Demnach nun schir/ so für vnd für/
Die halbe strass/passiret was/
Da kam vnglück/ im augenblick/
Berfiel der wag in etlich stück.

5 Drumb eil mit weil/ sein maff vnd theil/
Hat jeglichs ding/achts nit für gring/
Zu frū vnd spat/bringt gleichen schad/
Das mittel brauch/das ist mein rath.



XVIII.


Tertia vox.



Ent warnung an/ all die jr wolt versuchen/ all die jr wolt versuchen/ der



Bulschafft freud/ jr könnt von mir erfahren/ Dann ich bin nun ij Gott lob auß jrem



garen.

2 Ich wolt on scherz/ im acker lieber pflügen/
Als wenn ich hett in lieb verharren müssen/
Dann ich all freud/mit pein hab müssen büßen.

3 Es gschicht durch auß/ den thoren vnd den flugen/
Wer bulen will/der denck er muß bezalen/
Die Amors freud/mit schmerz zu tausent malen.


4 Denn das hab ich/im bulen allzeit gespüret/
Daß Venus feur/nur ist von stro geschüret/
Es lischt bald auß/glaubt mir ich habs probieret.



Off dir allein steth all mein grund/ allhie auff di ser Erden/ Ich



hoff vnd wart stettigs der stund/ daß du mit dein geberden/ ij mir Ehelich sollest



werden.

2 Bleib doch vnd wach in solcher lieb/
Wie du kurz hast angfangen/
Mein herz ich dir hinwider gib/
Ob solchs wol mit verlangen/
Vor langst an dir ist ghangen.

4 Auff solches wünsch ich dir hiemit/
Als was du selbst begereſt/
Mir aber wünsch ich jetzt mehr nit/
Dann daß du nur mein wereſt/
Ach Gott daß du mich gwerest.

3 So acht ich nun fürs beste ding/
Daß ich mit fleiß nachjage/
Wie ich auffſ ehſt dich zu mir bring/
Bey nacht so wol als tage/
Als dann hört auff mein plage.



XX.

Tertia vox.




Hff vnd rath/ auch liebes gnad/ kan ich forthin nicht entperen/ mag solchs doch.



kaum begeren/ nach meinem wunsch erkleren/

Furcht/scheu vñ scham/ ij ij




macht mich schier gar zum stummen/ ij

der scham sey gnug/nunmehr ich such/ daß



wir doch fürzlich zusam/ daß wir doch fürzlich zusammen kummen.



2 Herkigs lieb/dich mir ergib/
 Thu mich doch nit gar verkleinen/
 Ich thu je starck vermeinen/
 Du halst mich vor den deinen/
 Ob gleichwol ich von dir nichts gewiß vernommen/
 So glaub ich doch/ du schaffest noch/
 Daß wir doch zc.

3 Eigentlich/so hat ja sich/
 Mein beger allzulang verzogen/
 Unglück ist darein gflogen/
 Hats hin vnd her gebogen/
 Verlaßte es nit / schaff nunmehr selbst dein frummen/
 Wfenn dich nit meh/nimm mich zur Ehe/
 Das wir doch zc.


4 Lange wahl/treugt manichmal/
 Mag villeicht hie dir auch gschehen/
 Wenn du auffß gut wilt sehen/
 Vnd prechtig dich auffblehen/
 Ehr geht für gut/sag ich kürzlich in summen/
 Bedenckß ich bit/wünsch mehrers nit/
 Dann daß wir kürzlich zusammen kummen.



It der ich lang' gebulet han/ die sicht mich jekund sauer an/ daß solt mir



billich all kerkweil vertreiben/ so will ich doch ij so will ich doch/ nur frölich



sein ij vnd bleiben.

2 Die ich für mein Weib gschehet hab/
Die weicht von mir so schlechtlich ab/
Das solt mich billich toll vnd töricht machen/
So will ich doch/zu solcher sache nur lachen.

3 Die ich vermeint/sie wer gewiß mein/
Die will jekund eins andern sein/
Das solt mir billich grosses trauren bringen/
So will ich doch mit frischem mut rumb springen.

4 Die mich also zum spot hat gmacht/
Die geb auff sie nur fleissig acht/
Was mir heut geschicht/das kan jr geschehen morgen/
Ein schlechter Wirt/der nicht ein jech könnit borgen.

XXII.

Tertia vox.



S wolt ein Jungfrau schön/eins nachts zu bette gehn/ inn der es (denck ich)



ir/sehr heiß drum nam sie für/ sich genzlich außzuziehen/ die hiß der nacht zu fliehen/ Ich



sah dßmals solch sachen/ der ich noch oft muß lachen.

2 Sie hett ein liecht bey ir/sperre auch bald zu die thür/
Meint niemand seh ir drauff/thet alle fenster auff/
Dacht nit das in der nehen/ sie jemand möcht besehen/
Ich sah 2c.

3 Dieweil die jungfrau gieng/ganz bloß den lufft empfieng/
Vnd ich sie da ich stund/gar wol besehen fundt/
Macht es mir ein verlangen/sie herrlich zu umbfangen/
Ich sah 2c.

4 Jungfrau neimt zum beschluß/von mir freundlichen gruß/
Ich saget gerne mehr/doch fürcht ich mich so sehr/
Vor eurem grossen zoren/ Ob ir wol nichts verloren/
Drum schweig ich von den sachen/der ich 2c.



XXIII.

Tertia vox.




Ag ich bey dir ij erlan gen gunst/ ij




So laß fürbaß/ mich mercken das ich dir/ hinfür/ sey angenehm/ zu dem/ mir weg/und steg zur



sachen weiß/mit fleiß/ damit ich einst ij ij dein



Eheman heiß.



2 Das alles thust mit nicht vmb sunst/
Dann ich/ja dich/ganz herziglich
Geliebe/das gibt der augenschein/laß sein/
Nits minst/die dienst/so ich mit gird geführt/
Vnd du bißher wol hast gespürt.

3 Leg ab die scham/mir frey entdeck/
Dein sinn/ich gönne dir nichts dest minn
Als guts/kein trug/thust du mir dran/zeig an/
Ob nit dein gmüt/gunst zu mir trag/ich frag/
Auff das ich mich versehen mag.

4 Nach dem bitt ich in mir erweck/
Die freud/bey zeit/den auffschub meid/
Mich gwehr/auflehr/all lieb in dir/darfür/
Faß ein/die mein/hast gnugsam fug/bist flug/
So sprich nur ja / so hab ich gnug.



Sicht mich wenig an/ ob schon villeicht euch miteinander allen/ mein



frölich herz mit nichten thut gefallen/ Wer kan jedem recht than?

2 Thet ich nach manches sinn/
So würd ich bald als vnglück auff mich laden/
Das mag ich nit/drum bleib ich one schaden/
Wie ich gewachsen bin.

3 Frölich bin ich mein tag/
Wenn ich dann will/kan ich bald traurig werden/
Frölich bleib ich/so lang es mir auff erden/
Der lieb Gott gönnen mag.

4 Neidhart geh von mir weg/
Schend mich auch nicht/wenn du mich nicht wilt loben/
Bedencke doch/die jugent muß vertoben/
Vnd wenns in ein sack steck.



Ch sprich vnd red ij ij diß inn gemein/ Ich trau auff



Erd nur mir allein/ Das macht o lieb die falschheit dein/ Ich hab dirs je nun ein mal sa gen müs-



sen/ ich hab dirs je nun ein mal sagen müssen.

2 Du machst daß ich jetzt glauben will/
Der Frauen lieb/sen stet vnd still/
Gleich wie das wetter im April/
Weil du es selbst nun offtermals bewisen.

3 Dann da du dich zu mir gefelle/
Vnd auff das aller freundlichst gstelle/
Hast mit dem selben nur gewöllet/
Mich allerdings ans narrenseil zubringen.

4 So sag ich dir die waarheit rauff/
Dein hers ist ein offen Gasthaus/
Geht ein Gsell ein/ der ander auß/
Mit mehr will ich auff dißmal von dir singen.



4. vocom.

XXVI.

Tertia vox.



De falsche wort/ brauchst du inn deinen reden/

daß möcht mich




tödtent/

sind solche wort/ zu brauchen vnwonnoten/

zu brau-

chen vnwonno-



ten.

2 Alls was du thust/das geschicht mit gspött vnd lachen/
Was soll ich machen/iezt gemelt sachen/
Machen daß ich bey tag vnd nacht muß wachen.

3 So kan ich nun auß iekterzesten dingen/
Ja wie sie klingen/anderst nichts zwingen/
Dann daß du mich ans narrensehl wilt bringen.

4 Thu dich deß ab/wo nit so sag mirs eben/
Will ich darneben/mich zu rhu geben/
Damit ich doch erretten mög mein leben.

Register diser Deutschen Liedlein.

I.	Gib ghdz vnd gsicht.
II.	Gleich wie ein Schiff auff dem Meer.
III.	Es bringt mir groiß nit wenig plag.
IIII.	Der bulschafft hab ich gnug.
V.	Freundlich von art.
VI.	All augenblick ligt jr in mein.
VII.	Amor würd deine freud.
VIII.	Ich sing vnd spring/bin guter ding.
IX.	Ich bin hindurch kom bald hernach.
X.	Ich nenn sie nicht.
XI.	O lieb du bitters tranck.
XII.	Mit grossem fleiß allzeit bereit.
XIII.	Was hilffts euch doch.

XIIII.	Ich hab gnugsam verstanden.
XV.	Sagt selbst Jungfrau ob ich nicht sey
XVI.	Man sieht nun wol wie stet du bist.
XVII.	Gar eylend bhend/kam her gerennt/
XVIII.	Nemt warnung an/all die jr wölt.
XIX.	Auff dir allein stet all mein grund.
XX.	Hilff vnd rath/auch liebes gnad.
XXI.	Mit der ich lang gebulet han/
XXII.	Es wolt ein Jungfrau schön.
XXIII.	Mag ich bey dir erlangen gunst.
XXIIII.	Es sieht mich wenig an.
XXV.	Ich sprich vnd red diß in gemein.
XXVI.	Nur falsche wort brauchstu. 4.vocum.

Ende dises Registers.